

或威張 澍曷穀

孝獸

思南有甌峯盤互銅仁思州石阡數百里大木碩山莫不茂者騰林拂雲幽煙冥緬穹崖造溼亢石無階杳無人居人蹤亦不能到所產草木多異狀有獸焉形類獼猴而大尾長四五尺而歧端色蒼黃鼻露向上兩卽自懸於樹尾塞鼻或尾兩指爾雅所謂蝨也巢於樹老者居上子孫尾次居下老者簡出子孫搜巖得果卽傳遞而上薦老者食食已然後傳遞至下上者未食下者不敢嘗先王用呂繪於尊彝取其孝也案寓屬小而尾短者猴也侶猴而多髯者康也小於猴文采蔚然者果下豹也

續黔書卷八

一

侶猴而大者獲也大而尾長赤目者禺也侶狄而大者果狄也九真人号歌狄侶狄而小者蒙頌也一名蒙貴侶狄而善躍越者衝颯也侶猴而長髯者蝮也侶蝮而狗首尾蝮爲蝨者獼狽也又名獼狽侶蝮而金尾者狻也侶蝮而大能食蝮者獨也食猴者獼也叩鼻者狄也狄卽蝨也南人名之曰仙猴也郭景純贊云禺屬之才莫過於蝨兩則自懸塞鼻尾厥形雖陋列象宗彝余賡贊曰蟻穴蜂房君臣道章鴉行雁序兄弟燕處鸞遷鷄呼朋友叩須鳩擊鴛別夫婦締結惟鳥能哺惟羔能乳愛深養隆曰父曰母云何蒼蝨念厥顧復嘉果摘來爰薦耄壽嗟嗟世人誰無二親商賈逐末肆裔空陳士也遠宦鐘鼎自榮緊習子輿蓋母長歔亦有周磐感懷魴魚銜索幾蠹奉檄樂胥蒼蒼

者天薄薄者地固極鴻慈豈惟酒食此而不將嬪嬙所戲

豪瓠

物之自為雌雄者豈爰之類沛帶山之鵠鷄或云即鷄離陽山之象蛇火眼之狡狴而豪瓠亦然其為狀如豚而白毛如筭而黑端夾脾有麤豪長數尺能巨脊上豪射物郭景純謂之狙猪長楊賦注謂之豨獠通志略謂之山猪唐本草謂之蒿猪亦謂之獠猪吳楚又呼為鷺猪也大定府有之俗名刺猪苗人拾其豪巨為簪猶海嶠之用蝦須也聞南海有泡魚大如斗身有棘刺能化為豪猪夫巽為魚坎為豕巽變為坎理或然矣穆天子傳有豪馬豪羊豪牛郭注豪鬣也并豪猪之豪不同

水馬

續黔書卷八

西域曰羊臍種土中漑曰水聞雷而生臍繫地內及長驚曰木聲臍斷便行齧草至秋可食臍內復有種此物之至奇者也而人或未之信史記大宛傳正義引宋膺異物志云秦之北坳庸小邑有羊羔自然生於土中候其欲萌築牆繞之恐為獸所食其臍昇地連割絕則死擊物驚之乃驚鳴臍遂絕則逐水草為羣劉郁西行記亦言之黔之養龍院兩山相夾深池涵焉嘗出神馬明洪武四年偽夏明昇獻馬十其一白者首高九尺長丈餘乃得之於此也夫諸毗文僑渥注蒲稍余吾龍友青海驄駒徃牒可稽已溘肅宗元和中神馬四匹出滇池河中魏黃初聞於上黨得澤馬晉孝武太元十四年滇池縣河水有神馬二匹唐明皇靈昌郡得異馬於河皆水馬也隨巢子云夏后之興方

澤出馬良不誣矣再考襄陽記中廬山有地穴漢時常有數百匹馬出遂名馬穴吳時陸遜復於此穴得數十匹馬出土中一異也唐書南詔傳越賧之西多薦草產善馬始生若歲申紐莎縻之飲巨米瀋七年可御日馳數百里馬出於草更一異也庶物之生俶詭萬變魚非羽族文鯨翔風獸爲毛羣靈駢戲水而且谿邊之狗巢木地下亦復賈生圓嶠之驚眠火中又復鼠產韻外之事何能具言昧者不察徒執游牧攻駒曷彛之循會無而涉元謀之河哉

魏略海西國畜皆出水其用水羊羴爲布名海西布也亦見西域傳

小羊

吾涼出封羊其背如駝高者六尺許春夏之交青草豐茂毛澤而肥食其肉可目胜身飲其酪可目養性真俊味也余來黔一

續黔書卷八

載矣雖日飾廚傳給供驛使未嘗自求口食以快端頤有邵民饋一羊辭不獲受之不忍無故而殺養於驛內數月偶至牧所視焉輒來依衣裾聞不去稱之則十三斤如六七月之犖羣也案杜預奏事言魏興北山有野羊千數百斤其形不异中土羊相侶廣志云驢羊侶驢今黔之驢竟無龐狀大者而羊腹么麼抑又何耶

論曰余聞之卜式云非獨羊也治民亦猶是也惡者輒去無合敗羣式其人雖不足取而言則不易今之牧民者目神自畜既不能禁觚譎之鞠飲復不能如鮭魮之觸卵而肉食者鄙反視羶首之民而不恤是何異狼牧羊也

箒雞

逸周書王會解云蜀人以文鶉文鶉者若翬雉孔晁注云鳥有文采者臬雉侶臬冀州謂之澤特臨海異物志云杉雞常在杉樹下頭上有長黃毛如冠頭及頸正青如巫綏今水西出箐雞高尺許或畜之見人輒避去終不馴擾而長尾白羽羽之周遭黑文緣之如淡墨所畫是箐雞并杉雞同亦文鶉之類也

人首魚

癸亥之五月鎮遠靈霖無江暴漲上流夾岸人居埒雞牢豕悉被沖汎鎮之漁咸飛櫂爭取忽洪波卓大盤渦雷轟見一巨魚人首長徑丈鬣殷紅衝網駛去趙子海涵自鎮遠來親見爲余言之嘗考竹書云禹治洪水觀於河見長人白面魚身出曰吾河精也徐鍇稽神錄云謝仲玉者見婦人出沒水中腰目下

續黔書卷八

四

皆魚述異記云查道奉使高麗見海沙中一婦人肘後有細作

紅鬣命扶於水中拜手感戀而沒乃人魚也嶺海異聞云人魚

長四尺許體髮牝牡人也惟背有短鬣微紅注卽山經西海之

陵亦作鮫魚也鄧元錫物性志云姑射山有鮫魚人面人手魚身

見則風濤起夫蚺青類人首多羅類人足威車類人男陰文喙類女陰亦名東海夫人凡此瑰異悉產巨浸黔江何呂有此如目元錫之言見則有風濤之異今夏久夷晏浪雍觀潛蹤未嘗起颺而驚衍溢也殊不可解

鱸魚

金齏玉膾舊稱東南嘉味六書故謂其肉毳者尤美案亦有二種脆鱸海中有之皮緊而肉厚爛鱸江海俱有比脆鱸差小而

味淡玉屏之平江產鱸巨口細鱗肉白如雪不終日色不變而
有四顛天生膾材也然不能如北固山下一出手便釣得四十
九枚如謝朓所云或謂天下之鱸皆兩顛惟松江鱸四顛非直
不知盧清臣殆亦侔於營廷之魚矣

崑山有三顛鱸

小懈

夢谿筆譚云關中無懈偶收得者怖其狀目爲怪物有病瘡者
縣諸戶則大瘥言鬼畏之也黔爲鬼方卽無腸公子郭索橫行
彼髮首錄耳之倫且易而翫之矣余來斯邦暇則徵風采俗訪
之無有也後乃知鎮遠之鐵谿產小懈焉弄箴魚沙蝦潛吮沫
於澗石而鎮寧之清泉中產異懈或赤或紫色極鮮妍雖洛水
文鱉珠海石蛙亡巨隴也夫波斯之懈弄神搏江南之懈弄虎

續黔書卷八

五

關海陽之懈專車女丑之懈千里而北溟之懈一螯加於山善
苑國之懈長九尺百足四螯尤爲足異若茲之纖纖其不足筆
火呂尋也審矣儻使鸚鵡之嘴爬沙熊谿而虎豹之螭擁劔泮
江當霜天菊黃壺曾竹之甯醪盤都雲之香橘左持彭越右把
長卿蹈吏部之疎狂藐監州之睥睨笑蔡謨之督識嗤陶穀之
妄評則予也樂尊痔風味忘口裏雌黃亦可呂無異域之歎乃
冠裳之狙竟畏毒霧而不生或生之而大僅如指不能供老饕
之一嗜豈不偵哉

圓蛇

蛇之善者惟升卿其惡者曰博叔然予蛇食塵蚶蛇噬鹿巴蛇
吞象浩禱捕鼠要皆形狀宛若可爲趨避未有蹤跡詭異厥毒

奇酷如圓蛇者也圓蛇產古州八萬土司中圓如卵有五采文或山水花鳥竹木厯厯如續狀同六合石子人見之無不欣愛拾而撫摩之不忍遽舍去少頃得人氣於中心迸出一頭口目畢具舌如火輪齧人無幸免者人斃處草木枯槁泥土焦烈人不敢由此行皆迂道以避三季始復然其土猶毒苗人曰篋笏矢插其處七日夜射人即殪酷於狸子焦銅之鏑又有脆蛇長尺有二寸見人輒躍起數尺跌爲十二段須臾復合爲一卽淮南子所謂神蛇也田山薑紀之特詳

唧唧

山石之間有物焉形似蛙又似鮎色青味鮮美苗人得之進上客呼之爲唧唧案字書無唧字其從土者土精也宋時徐廷評

續黔書卷八

六

監廬州酒稅河次得一物如小兒掌無指懼而埋之或曰此白澤圖所謂瑯也食之多力又一名封鼻此形狀懸殊案交州記陶璜築城於土穴中得一物白色形如蠶蛹無頭長數丈大十圍輾輾能動割腹肉如豬脂巨爲臍香美遁甲開山圖雲師生霍山長五六寸有毛似兔雨時出在石上肉甘可炙食或曰石蠶之類卽雨虎也本草云石蛤在石中藏蟄似蝦蟆而大黃色能吞氣飲風露可食疑唧唧卽石蠶石蛤之類又白澤圖云千季木中有蟲名賈誼狀如豚食之味如狗尤奇也

案賈誼卽彭侯

九香蟲

余髫年在外馬足車塵閒關萬里得勞疾恨無翠蘇之我遺也目見潢池弄兵梁渠舞羽黔首流冗得痛疾恨無草荔之我惠

也改官於外無吏才牒訴慳德敲撲喧囂耳遂已龔恨無文莖
之見贈也民陝輸而苗剗罄上下齟齬是非區霧憤放手者之
類越貨也則忿之甚思得帝休服之握符衝塗日惟供億稱妮
之是急無瞬晷展卷幼時所誦經書茫如癡寐是爲忘疾思得
迷穀佩之時復勘地巡稼登峻岑冒毒霧飮飲不時得痔疾誰
則投我以赤翁之櫟烏蛇尾之虎蛟者兼此六疾百里何堪乃
者挂冠引退囊無阿堵甑無洗粃飢腸時作鐘球鳴也暇輒覽
列仙傳慕葛稚川之爲人傻有意縱志舒節已馳大區昇造化
者俱又念夙無仙才未必有仙骨私覬選崔文負局食我呂黃
散餌我呂紫丸庶蝸甲濁穢拾階霄霓迅干靈於一斲方塵劫
於俄頃茲聞畢節之赤水出九香蟲服之身輕喜甚詢之士人
言蟲生澗水中春夏出遊水面者不可用秋冬潛伏澗石土人
掀石得之售人服法用十四枚微火炒去殼翅及尾七枚去殼
翅足生用母服一生一熟佗一次嚼食白湯下日服二三次俱
可用完十四枚而止儻余得是蟲也不羨荷扁之丹砂矣或曰
服之尤宜子云

續黔書卷八

七

右續黔書八卷 國朝張澍撰按澍字介侯一字鬲穀或威人
嘉慶己未進士選庶吉士改官知縣是書初名黔中紀聞後易
今名蒙蒙齋先生黔書而名之也文字奇奧若積薪矣方鬲穀
之出宰黔中也負俶儻瑰瑋材輒軻百里屏營彈丸間似不堪
展驥者乃其議捍水也則曰用工不過百人爲期不過一月防
苗警也則曰屏邑雖小苗不足憂毋亦牛刀小試耶又鬲穀未
弱冠登磨圍旋改外職侶年少不更事者乃其慙夫馬也則曰
無良之徒且借此呂獵民旣腴其脂膏復疲其筋骨治盜賊也
則曰呂虛不呂實不用捕而用儆摘伏懲姦有過老吏又蒙齋
先生之撫黔也首呂疏請建學爲務而鬲穀之攝篆廣順也亦
著茂學篇呂詔州人士舟驅後馳如出一轍宜黔人士頌聲勿

續黔書跋

替也觀鬲穀之紀萬卷書巖云余旣不得讀中秘書而來此何
敢薄民社爲粗官但一行作吏此事遂廢毋當敲撲犯慮牒訴
裝懷之時登臨舒嘯坐擁萬卷不啻南面百城而塵容俗狀俱
爲之一洗是亦遷宦之至樂也鬲穀匈奴概可知矣光緒乙亥
夏至令節南海伍紹棠謹跋

